




Literatura den Bon Dia

Ernesto E. Rosenstand



TUR COS A KEDA ATRAS

E kier a sigui keiro den auto pero despues di a pens'e bon el a haya cu ta miho e no hacie. Otro biaha lo e haya su chens. No por bai di e lihe ei. Pasenshi! Cu pasenshi bo ta gana gloria, el a pensa.

El a compronde bon e setimentonan di Carmen. Su experiencia di homber maduro a sigur'e cu ya e tabatin Carmen den su poder. Awor ta kistion di tempo. Y e mester percursa si pa e no laga cos fria y purba tene contacto cu ne. lo mas tanto posibel. E tabata sa unda e tabata biba y y den combersacion cu ne na fiesta el a haya sa tambe unda e tabata traha. Pues awor ta cuestion di tempo. E no a bisa mucho cos ma el a pensa

- Ya mi tine!

- Ya e ta di mi! Awor mi por haci cu ne loke mi kier. Ma mester carga pasenshi.

E no tabata kiboca.

8

Dianan cu a sigui Carmen no a stop di pensa riba Juan. Tabata increibel con e homber aki por a drenta den su bida asina lihe cu asina un forsa. For di anochi di e fiesta el a experencia cambionan den su bida sentimental. Cambionan grandi cu e no a spera.

Nunca e por a pensa cu esei por a pas'e. Ma tabata e puro realidad. Nan tabata hopi agradabel. E no tabata compronde cu en berdad e tabata completamente domina pa Juan, cu tabata sa con trata cu mucha mohe. Riba e tereno aki e tabata conoci tur parti.

Ma mester bisa cu e tabatin un carismo sin igual. E tabata experto den konkista mucha mohenan. Y straño cu e no a yega di tende nada relaciona cu ne. Ta e anochi ei el a bin conoce.

Den e grupo di su amiganan e no tabata di e conoci ei. Esei mes tabata haci cu mucha mohenan serio tabata percursa pa no tin contacto cu ne.

Tabata conoci cu unda cu e pasa e tabata busca manera di konkista e mucha mohe cu e tabata gusta mas. Y tabata algo straño cu Carmen sin tabata conoce prome cu e fiesta tabata loco cu ne.

Juan a haci un impresion asina grandi riba dje cu p'e no tabatin miho homber cu ne. E tabata un experto den konkista mucha mohe. Esei tabata conoci tur parti.

Experiencia a siñ'e cu e no mester cuminsa lihe lihe. Esei mes el a haci cu Carmen. E tabata cuminsa poco poco sin ningun pura. Su filosofia tabata: sopi pura ta sali salo. Ma esei no ta kita cu mester keda busca contacto constantemente.

E tabata sa cu den e circunstancianan asina semper e tabata sali gana. Anto pakico pura? Pakico pura si di antemano bo sa cu bo ta hibando bentaha?.

Y cu tur sorto di plannan den su cabes Juan a laga Carmen y a bai sigui fiesta den e diferente sala di balia cu ainda tabata habri. E anochi ei e tabata loco pa sigui cu e paranda cu segun e a cuminsa bon. Miho di loke el a spera.

Un momento ora cu nan tabata keiro el a pensa di

combida Carmen bai cu ne sigui e paranda, ma el a pensa cu miho no. El a sinti cu si el a haci esei, Carmen lo a nengue. P'esei el a dicidi di bai sigui paranda su so.

E tabata loco pa sigui paranda., cu segun a cuminsa bon na e fiesta di Maria. Juan tabata sintie felis, atrobe e por a skirbi otro konkista den su buki yen di aventuranan amoroso. Uno cu no a bai di e difcil ei. Mas facil di loke el a pensa. Anto inesperadamente. Anto cu un mucha mohe tur afo. Bunita manera su so.

Maske e tabata casa e tabata pasa pa yoncuman. Den tur su manera di haci. Ainda e tabata jong y tabatin un caracter habri. Den e tereno aki e tabatin basta experiencia. For di jong caba el a cuminsa cu su maña.

Awenochi e tabata kier a gosa lo mas tanto posibel ya cu negoshinan delaster tempo no tabata bayendo manera mester ta y nan no tabata dun'e chens pa e hinca su curpa den aventuranan amoroso. Ma e anochi ei e kier a gosa un poco. Despues di basta dia el a logra konkista un galeins masha nechí mes.

Ta basta dia e tabatin sin haci esei. Y e problemanan di su negoshi tambe tabata persiguie. Pa algun momento e kier a lubida e problemanan aki. Y e anochi aki tabata presta pa esei.

Y pa otro banda su casa y yiunan tabatin ainda un luga den su curason. No uno di gaba, ma tog. Esei e no por a nenga. Juan Ramirez tabata homber casa cu tres yiu, maske tin biaha p'e esaki no tabata motibo pa haci su escapadanan.

Su pensamiento tabata cu un homber mester keda liber pa por haci nan. Ni matrimonio di yiunan por strob'e den esaki. Y e filosofia aki e tabata pone den practica. Sin ningun remordimento. E tabata lubida cu e tabata tata di famia y tur ora bai e tabata core su parandanan.

Ainda e tabata kere cu e por a sigui cu e bida cu e tabata hiba tempo cu e tabata soltero. Loke tambe e tabata busca pa haci tabata cu e tabata busca manera pa check e mucha mohenan jong. Esei tabata su ilusion di mas grandi.

Ora e logra konkista un di nan e tabata gosa un mundo. E tabata sintie tur un don Juan. P'e esun cu tabata casa y tabatin yiu tabata su casa. , e no. E tabata sintie liber.

Ya nan tabata basta tempo cu nan tabata casa. Ma nunca den su bida el a demostra di a stima su señora. Despues di trabou masha poco e tabata keda cas. Tin biaha ni bin, ta mas laat e tabata sa presenta. Y semper cu otro storia.

P'e Ana tabata un di e hopinan cu e tabatin practicamente na tur skina. Ora bo tende papia e tabata duna bo e impresion di un yoncuman soltero. Cu no tabatin ningun sorto di responsabilidad. Pa su yiunan e tabata haci mas. Y esei mes no tur ora. Nan tabata preto di su wowo. Bon esei e tabata bisa. Ma te ki tempo? Ana tabata pensa den su mes.

Manera cosnan tabata bai lo yega un dia cu e lo no preocupa pa nan tampoco. Su preocupacion lo bai ta otro caminda. Ora e mira Juan hunga cu e muchanan e tabata sintie felis. Esei tabata en berdad e unico ora cu e tabata felis. Nan tabata parti di su bida, e parti di mas grandi y p'esei tur ora cu e mira nan contento e tabata puntra su mes